

Musiggsellschaft ond Fasnachtskomitee als erschts les ich euch d`Levite
er bestemmed för d`Fasnacht hür s`Moto "Weldi Zyte
jetz getrou ich mech fasch nömm of d`Stross ond en Wald ie keinesfalles
well er wössed doch ganz genau d`Schwyzer Jäger die schüssed of alles

Hey kenned er scho der Ondersched du das esch de Knöller
zwöschem Name Meier ond em Name Möller
also wend Meier heisch den chasch du em Schierennsport briliere
ond wend Möller heisch längts nedemol zom eusi Schwyzer Fraue z`trainiere

Schaffsch täglech du a dim Arbeitsplatz ond hesch ändsmonet glich kei Chöle
jo den nemsch en CD uf ond nensch di eifach Göle
doch wend wen ich ned senge chasch jo den muesch ned bätte
nei den gosch halt es Dütsche ond duesch de CDU biträtte

Was mech jo no wörd wonderneh we das söll fonktioniere
wen mer den be eus er Schwyz de Verkehr sette halbiere
ich stell mer vor ich sig grad so schön z`Zöri em Poff am schmuse
jä händ Die s`Gfüehl ich ziehnen de be de helfti schoweder use

Letscht Fasnacht duet en Konfettispalter em Schübi sini Knopfworscht probiere
ond seit am nächste Omzog z`Brogg do düemer die au ifüehre
drofabe hanem zor Antwort geh er wärded glaub ä nor no älter
er brenghed nedemol die eifache Wörscht rächt heiss den send die knöpft jo no chälter

Wotsch be de Private en Spelfelm luege jo den düend die fräche
de Spelfelm vo Zyt zo Zyt met Wärbig onderbräche
ond s`glieche cha eus z`Rinike e Zuekonft au passiere
wenn mer met eusne Hönd a de Robby Dog verbie spaziere

Do muess doch kein Gleerte os Dütschland cho wo Gäld wot of de Tesch
ich hät de Broggere au chönne säge das er Altstadt tote Hose esch
das wenigstens am Morge früh det onde wört öppis laufe
hät ich scho längstens de Achermäa gfrogt öb er sin Göggel ned wördi verchaufe

Jo du wäg dem Göggelchrieg han ich nor welle säge
chömed gänd enand doch d`Händ ond düend euch weder verträge
liebe deinen Nächsten stoht doch e de Beble gschrebe
er müends nor ned we euse Pfarrer grad go übertriebe

Wahlslogans die send nüt wärt do versprecht doch froh ond heiter
Euse Melchior Ehrler of sine Plakat ich bin der Wegbereiter
doch wos den de Wenter s`erscht mol schneyt er hät jo ned müesse jofle
hesch du gmeint de wäri mer choge de Wäg freyschuffle

Hueber ond Achermäa händ de Röcktritt geh ond send als Gmeindamme weder cho
ond jetz machts eusi Füürwehradjudantin d`Silvia au eso
jo wen das afoht irisse z`Rinike de wird bes z`letschemänt
de Obrischt das wär jo de Gepfel nomol Schötzepräsidänt

25. Johr lang Gmeischrieber Euse Hunn Jörg het chönne jubiliere
er werd Ordsbürger ond de Gmeirot duet e höbschi Fier organisiere
mer holten em gschmöckte Auto ab goht metem deck go frässe
hey Ueli ich hätt hüt s`15 Jährig händer das vergässe

Ond schoweder chani för das Johr de letschti Schnetzelbank verbueche
ond er wössed was jetz chonnt ich duen öpper sueche
wo mer öppis z`Suffe zahlt so wie alle Jahre wieder
aber bitte kei Orangesaft ich be de ned Patty Schnyder

Der Komedi^{oo}

Wänd er me bsueche? Ich be dehei onder „www.komedi.ch“